


ՏՐԱՆՍ ԿՈՐՈՒԹՅՈՒՆՆԵՐ

Մեպտեմբեր - Հոկտեմբեր 2021



Հ - 21



ՀԱՐՁԱԿՈՒՄ ՏՐԱՆՍԳԵՆԴԵՐ ԿՆՈՋ ՎՐԱ-----	2
ՀՈԳԵԲԱՆԱԿԱՆ ԱՋԱԿՑՈՒԹՅՈՒՆ ՏՐԱՆՍԳԵՆԴԵՐ ԼԳԲԻՔ ԱՆՁԱՆՑ և ՆՐԱՆՑ ԸՆՏԱՆԻՔԻ ԱՆԴԱՄՆԵՐԻՆ. ԱՄՓՈՓ ՏՎՅԱԼՆԵՐ-----	3
ԱՐԴՅՈ՞Ք ՀՈՐՄՈՆԱԹԵՐԱՊԻԱ ԱՆՑՆՈՂ ՏՐԱՆՍՄԵՔՍՈՒԿԼ ԱՆՁԻՆՔ ԿԱՐՈՂ ԵՆ ՊԱՏՎԱՍՏՎԵԼ ԶՈՎԻԴ-19-Ի ԴԵՄ-----	4
«ԼԳԲՏԻՔ ԵՐԻՏԱՍԱՐԴՆԵՐԻ ՈՒԺԸ» ՀԱՆՐԱՅԻՆ ԱՐՇԱՎՆԵՐ-----	5
ԻՄ ԱՊՐԵԼՈՒ ԻՐԱՎՈՒՆՔԸ-----	7
ԻՐԱԿԱՆԱՑՎԵՑ «ՀԱՂՈՐԴԱԿՑՄԱՆ ԳՈՐԾԻՔՆԵՐԸ. ՀԱԿԱԳԵՆԴԵՐԱՅԻՆ ՀՈՏՏՈՐԱԲԱՆՈՒԹՅԱՆ ԴԵՄ ՊԱՅՔԱՐ» ԹԵՄԱՅՈՎ ԴԱՍԸՆԹԱՑԸ-----	8
ԾՐԱԳՐԻ ՄՇՏԱԴԻՏԱՐԿՈՒՄ-----	10
ԼԻԼԻԹ ՄԱՐՏԻՐՈՍՅԱՆԸ ԵԼՈՒՅԹ ՈՒՆԵՑԱՎ ՌԱՍԻՉՄԻ և ԱՆՀԱՆԴՈՒԹՅԱՆ ԴԵՄ ԵՎՐՈՊԱԿԱՆ ՀՆԱՋՆԱԺՈՂՈՎԻ (ՌԱԵՀ) ԿՈՂՄԻՑ ԿԱԶՄԱԿԵՐՊՎԱԾ ԱՄԵՆԱՄՅԱ ՍԵՄԻՆԱՐԻՆ:-----	11
ԻՐԱԿԱՆԱՑՎԵՑ «ԱՌԱՋՆՈՐԴՈՒԹՅԱՆ ՀՄՏՈՒԹՅՈՒՆՆԵՐ ԵՎ ԱԿՏԻՎ ԶԱՂԱՔԱՑԻԱԿԱՆ ՆԵՐԳՐԱՎՎԱԾՈՒԹՅՈՒՆ» ԹԵՄԱՅՈՎ ԴԱՍԸՆԹԱՑԸ-----	12

ՀԱՐՁԱԿՈՒՄ ՏՐԱՆՍԳԵՆԴԵՐ ԿՆՈՋ ՎՐԱ

Սույն թվականի սեպտեմբերի չորսի լույս հինգի գիշերը, ժամը 3.30-4.00-ի սահմաններում անհայտ անձը, մոտենալով Երևանի քաղաքապետարանի դիմացի այգու տարածքում նստած Գ. Կարայանին և նրա տրանսգենդեր ընկերուհուն, սպառնացել է, որ եթե տրանս կին Գ. Կարայանը սեռական հարաբերություն չունենա նրա հետ, նա կծեծի և կդանակահարի տրանս կնոջը: Գ. Կարայանը խնդրել է իրենց հանգիստ թողնել և հեռանալ, այլապես կդիմի ոստիկանություն, սակայն տվյալ անձը, քաշքշելով Գ.-ին, ստիպել է իր հետ գնալ: Տրանս կինը, տեսնելով, որ այլ ելք չկա, խնդրել է ընկերուհուն, որ նա շտապ զանգահարի ոստիկանություն կամ մոտակաքում գտնի պարեկային ոստիկաններին, ովքեր կօգնեն իրենց:

Քաշքշելուց հետո տվյալ անձը հարձակվել է տրանսգենդեր ակտիվիստ Գ. Կարայանի վրա՝ մարմնի տարբեր մասերին հասցնելով դանակի մի քանի հարվածներ՝ վնասելով ոտքը և ուսը: Գ. Կարայանը, մի կերպ փախչելով բռնարար տղամարդու ձեռքերից, գնացել է ոստիկանության Արաբկիրի բաժին՝ հանցագործության վերաբերյալ հաղորդում ներկայացնելու:


Ըստ Գ. Կարայանի պատմածի, ոստիկանությունը ոչ մի բան չի ձեռնարկել գտնելու հանցագործին, ավելին, խտրականցրել է տրանսգենդեր կնոջը՝ ենթարկելով ծաղրանքների:

Գ. Կարայանի դիմումի համաձայն՝ «Իրավունքի կողմ» իրավապաշտպան ՀԿ-ի իրավաբանական բաժինը զբաղվում է տվյալ դեպքով: Գործի ընթացքի վերաբերյալ հավելյալ տեղեկատվություն կարող եք ստանալ՝ հետևելով մեր նորություններին:

ՀՐԱՏԱՊ ԴԵՊԶ



ՀՈԳԵԲԱՆԱԿԱՆ ԱԶԱԿՑՈՒԹՅՈՒՆ ՏՐԱՆՍԳԵՆԴԵՐ ԼԳԲԻՔ ԱՆՁԱՆՑ և ՆՐԱՆՑ ԸՆՏԱՆԻՔԻ ԱՆԴԱՄՆԵՐԻՆ. ԱՄՓՈՓ ՏՎՅԱԼՆԵՐ



«Իրավունքի կողմ» իրավապաշտպան ՀԿ-ն, կարևորելով Տրանսգենդեր և ԼԳԲԻՔ անձանց մտավոր և հոգեկան առողջությունը, մինևույն ժամանակ ձգտելով նվազեցնել խարանը և խտրականությունը նրանց նկատմամբ ու ապահովվել անդորրը համայնքի անդամների ընտանիքում, մեկ տարվա ընթացում հոգեբանական աջակցություն է տրամադրել շուրջ 259 անձանց, որոնցից.

- 42-ը դիմել են ընտանիքում բռնության ենթարկվելու պատճառով:
- 9-ը դիմել են գուգրնկերոջ կողմից պարբերաբար բռնության ենթարկվելու պատճառով:
- 32 անձ դիմել է գենդերային ինքնության և սեռական կողմնորոշվածության հետ կապված խնդրով:
- 4-ը դիմել են վատ սովորությունների վերացման խնդրով:
- 21 տրանսսեքսուալ անձ դիմել է հորմոնաթերապիայի արդյունքում առաջացած մի շարք խնդիրների լուծման համար:
- 23 սեքս աշխատողներ դիմել են հաճախորդների կողմից պարբերաբար բռնության, նվաստացումների, խարանի և խտրականության ենթարկվելու պատճառով:
- 13 ԼԳԲՏԻՔ անձանց ընտանիքի անդամներ դիմել են ընտանեկան հարաբերությունները կարգավորելու, իրենց երեխաների և ընտանիքի այլ անդամների հետ խնդիրները հարթելու խնդրով:
- Կազմակերպության 7 աշխատակիցները և խորհրդի 5 անդամները դիմել են մասնագիտական այրումը կանխարգելելու և վերականգնվելու խնդրով:
- 15 անձ դիմել է միջանձնային հարաբերություններում խնդիրները կարգավորելու, հարցաթղթերի օգտագործումը հարթահարելու խնդրով:
- 11 անձից դիմել է կարիերայի կառուցման, մասնագիտական կողմնորոշման խնդրով:
- 7 անձ դիմել է ինքնազնադատականի բարձրագույն, անվտանգության, թերապիայի և բարձրագույն հարցախմբերի խնդրով:
- 42 անձ դիմել է տազնապ, վախ, ֆոբիա հարթահարելու խնդրով:
- 7 անձ դիմել է միջամտության խնդիրների լուծման համար:
- 11 անձ դիմել է աշխատանքային սթրեսի հարթահարման խնդրով:
- 15 անձ դիմել է տարիքային ճգնաժամների հարթահարման խնդրով:

Ներկայումս հոգեբանական աջակցության ծրագրի ֆինանսավորումն ավարտվել է, սակայն հույս ունենք, որ այն կկրի շարունակական բնույթ և մեր շահառուներին հնարավորություն կտա բարելավել իրենց կյանքի որակը՝ հետզհետե տեսանելի փոփոխություններ մտցնելով իրենց որոշումներում և վարքի դրսևորումներում:

ԱՐԴՅՈՒՔ ՀՈՐՄՈՆԱԹԵՐԱՊԻԱ ԱՆՑՆՈՂ ՏՐԱՆՍՄԵԲՍՈՒԱԼ ԱՆՁԻՆՔ ԿԱՐՈՂ ԵՆ ՊԱՏՎԱՍՏՎԵԼ ՔՈՎԻԴ-19-Ի ԴԵՍ

«Իրավունքի կողմ» իրավապաշտպան հասարակական կազմակերպությունը պաշտոնական հարցում էր ուղղարկել ՀՀ առողջապահության նախարարություն պարզելու՝ արդյո՞ք տրանսմեքսուալ անձինք, որոնք անցնում են հորմոնաթերապիա, կարող են պատվաստվել ՔՈՎԻԴ-19-ի դեմ, և ինչպիսի՞ կողմնակի ազդեցություն կարող է պատվաստանյութն ունենալ:

Ի պատասխան մեր հարցման՝ ՀՀ առողջապահության նախարարությունը պատասխանել է.

«Ի պատասխան Ձեր 06.09.2021 թվականի հարցման, տեղեկացնում եմ, որ Հայաստանի Հանրապետությունում իմունականխարգելման գործընթացն այդ թվում՝ պատվաստումների հակացուցումները, կանոնակարգվում և վարվում են համաձայն ՀՀ առողջապահության նախարարի 2020 թվականի օգոստոսի 17-ի N21-Ն հրամանի պահանջների:

Հայաստանում կորոնավիրուսային հիվանդության դեմ կիրառվող կանխարգելիչ պատվաստումների բժշկական հակացուցումները նույնն են, ինչ բոլոր պատվաստումների դեպքերում:

Պատվաստումների միակ բացարձակ հակացուցումը տվյալ պատվաստանյութի նախորդ դեղաչափից առաջացած անաֆիլաքսիան է:

Պատվաստման ժամանակավոր հակացուցումներն են սուր հիվանդությունները՝ միջին և ծանր ընթացքով, ինչպես նաև քրոնիկ հիվանդությունների սրացումը:

Միաժամանակ, Ձեր նշած տրանսմեքսուալ անձինք, ովքեր ստանում են հորմոնաթերապիա, պատվաստման հակացուցում չէ: Նրանք կարող են պատվաստում ստանալ պահպանողական թերապիայի ներքո, այսինքն առանց ընդհատելու դեղի օգտագործումը»:

Տրանսգենդեր համայնքի բոլոր ներկայացուցիչներին խորհուրդ ենք տալիս պատվաստվել, քանի որ պատվաստումը կարող է օգնել մեզ խուսափել տարատեսակ բարդացումներից, պաշտպանել մեզ և մեր ընտանիքի անդամներին:

Հարգանքներով՝

ԻԿ ԻՀԿ թիմ



«ԼԳԲՏԻՔ ԵՐԻՏԱՍԱՐԴՆԵՐԻ ՈՒԺԸ» ՀԱՆՐԱՑԻՆ ԱՐԳԱՎՆԵՐ

«Իրավունքի կողմ» իրավապաշտպան ՀԿ-ն՝ Տեղական նախաձեռնությունների կանադական հիմնադրամի (CFLI) ֆինանսական աջակցությամբ, կազմակերպում է ուսուցողական հանրային արշավներ ՀՀ տարբեր մարզերում և Երևանում բնակվող Տրանս ԼԳԲԻՔ համայնքի ներկայացուցիչների համար՝ բարձրացնելու նրանց իրազեկվածության մակարդակը ատելության խոսքից, ատելության հիմքով հանցագործություններից և խտրականությունից պաշտպանվելու մեխանիզմների վերաբերյալ: Հանրային արշավները կազմակերպվում են «Փոփոխության ճայնը» երիտասարդական ակադեմիայի մասնակիցների կողմից, ովքեր իրենց ստացած գիտելիքներով և հմտություններով կիսվում են համայնքի ներկայացուցիչների հետ, նպաստում են նրանց՝ երիտասարդական աշխատանքների և քաղաքացիական ակտիվիզմի մեջ ներգրավվելուն:

2021 թվականի սեպտեմբերի 6-ին տեղի ունեցած հանդիպմանը մասնակցում էին թվով 10-ը ԼԳԲՏԻՔ+ անձինք և համախոհներ: Հանդիպումը տեղի ունեցավ Երևանի զբոսայգիներից մեկում, որի ընթացքում մասնակիցները քննարկում ունեցան ֆեմինիստական շարժման վերաբերյալ: Նրանք ներկայացրին, թե ինչ է իրենց համար ֆեմինիզմը և ինչու պետք է ֆեմինիզմն աշխարհում առաջատար շարժումներից մեկը լինի, այնուհետև մասնակիցները կատարեցին փոքրիկ գործնական աշխատանք, որի արդյունքում ներկայացրին իրենց հայտնի ֆեմինիստների ակտիվիստական գործունեության մասին, խոսեցին նաև Հայաստանում ֆեմինիստական շարժման մեջ տրանսգենդեր անձանց ներգրավվածության և դրա կարևորության մասին: Հանդիպման ավարտին մասնակիցները կիսվեցին իրենց տպավորություններով և ցանկություն հայտնեցին, որպեսզի նմանատիպ հանդիպումները շարունակական բնույթ կրեն:

Սեպտեմբերի 10-ին տեղի ունեցած հանդիպմանը մասնակցում էին Տրանս ԼԳԲԻՔ համայնքի թվով 11 ներկայացուցիչներ, որոնք Երևան էին ժամանել ՀՀ տարբեր մարզերից: Հանդիպման ընթացքում մասնակիցները՝ բաժանվելով խմբերի, կատարեցին գործնական աշխատանք, որի արդյունքում ներկայացրին այն խնդիրները, որոնց բախվում են իրենց առօրյա կյանքում, մասնավորապես՝ հասարակության կողմից խարանի և խտրականության և ընտանեկան բռնության դեպքերը, առողջապահական, կրթական և իրավական համակարգերի բացերը: Մարզաբնակ համայնքի ներկայացուցիչները շնորհակալություն հայտնեցին հանդիպմանը իրենց ներգրավվելու համար, առաջարկեցին, որ նմանատիպ միջոցառումներն անցկացվեն նաև մարզերում՝ ավելի շատ անձանց ներգրավվելու համար:

Շարունակելով հանդիպումների շարքը՝ սեպտեմբերի 13-ին «Իրավունքի կողմ» իրավապաշտպան ՀԿ-ն անցկացրեց ևս մեկ հանդիպում՝ Երևանից և մարզերից ժամանած ԼԳԲՏԻՔ+ համայնքի այն ներկայացուցիչների համար, որոնք երբևէ չէին մասնակցել նմանատիպ միջոցառումներին: Մասնակիցներն ընդգծեցին, որ ցանկանում են ֆորմալ և ոչ ֆորմալ կրթություն ստանալ, սակայն, գենդերային ինքնության հիմքով խտրականության, ծաղրանքների և բռնության պատճառով հաճախ չեն կարողանում:



#CFLIforEquality #LGBTIQPeerPower

Ակադեմիային մասնակցած ակտիվիստները կիսվեցին իրենց փորձով և պատմություններով, մասնակիցներին հորդորեցին երբեք չվախենալ և շարունակել պայքարել՝ հանուն իրենց բարեկեցիկ ապագայի: Հանդիպմանը ներկա էր նաև «Իրավունքի կողմ» ՀԿ-ի ծրագրերի ղեկավարը, ով ներկայացրեց ՀԿ-ի կողմից մատուցվող ծառայությունները (ինչպիսիք են կրթական դասընթացները, համակարգչային և անգլերենի դասընթացները) և մասնակիցներին խրախուսեց (հնարավորության դեպքում) օգտվել ծրագրերից:

Սեպտեմբերի 17-ին բուլինգի թեմայով կազմակերպված հանդիպում-քննարկմանը ներկա էին Տրանս ԼԳԲԻՔ համայնքի թվով 10-ը ներկայացուցիչներ: Հանդիպման ընթացքում մասնակիցները կիսվեցին ուսումնական հաստատություններում իրենց գենդերային ինքնության և սեռական կողմնորոշվածության հիմքով իրենց հետ պատահած խարանի և խտրականության դեպքերով, խոսեցին նաև բռնության և ատելության հիմքով հանցագործությունների մասին: Տարիներ շարունակ ենթարկվելով հոգեբանական ծանր ճնշումների՝ մասնակիցներից երեքը նշեցին, որ այդպիսի դեպքերի պատճառով նրանք դադարեցրել են իրենց ուսումը և չեն ցանկանում շարունակել: «Իրավունքի կողմ» ԻՀԿ-ն, հավաքագրելով բոլոր բարձրաձայնված դեպքերը, մասնակիցներին առաջարկեց օգտվել կազմակերպության կողմից տրամադրվող կրթական ծրագրերից, իրավաբանական և հոգեբանական աջակցությունից: Քննարկման ավարտին մասնակիցների միջև անցկացվեց փոքրիկ խաղ, որի ընթացքում ներկա գտնվողները բարձրաձայնում էին իրենց բնորոշող հատկանիշները և փորձում էին հասկանալ, թե ինչպես կարող են ներգրավված լինել ակտիվիզմի և շահերի պաշտպանության մեջ: Ակադեմիային մասնակցած համայնքի անդամներն էլ խոստացան օգնել և առաջնորդել նրանց՝ իրենց գործունեության ընթացքում:

Իսկ արդեն սեպտեմբերի 28-ին երիտասարդական ակադեմիայի մասնակից Վահե Բաբայանի իրականացրեց հանդիպում-քննարկում ներգրավվելով 10-ը Տրանս և ԼԳԲԻՔ անձանց ՀՀ տարբեր մարզերից և մայրաքաղաք Երևանից: Հանդիպման թեման էր ընտանեկան բռնությունը: Ակադեմիայից ստացած գիտելիքները Վահե Բաբայանը փոխանցեց հանդիպմանը ներկա գտնվող մասնակիցներին՝ վեր հանելով մի շարք խնդիրներ, որոնց գրեթե ամեն օր բախվում են Տրանս ԼԳԲԻՔ անձինք իրենց ընտանիքներում: Մասնակիցները ստացան այնպիսի գիտելիքներ, որոնք հետագայում կօգտագործեն իրենց ընտանիքներում խարանը և խտրականությունը նվազեցնելու համար: Հանդիպման ավարտին մասնակիցները գրեցին անհատական պատմություններ՝ «Իմ եսը» վերնագրով, որոնք հետագայում կներառվեն անհատական պատմությունների գրքույկում: Հանդիպման ավարտին մասնակիցները շնորհակալություն հայտնեցին Վահե Բաբայանին նմանատիպ հանդիպում կազմակերպելու և սույն ծրագրում իրենց ներառելու համար:




#CFLIforEquality
#LGBTIQPeerPower

ԻՄ ԱՊՐԵՆՈՒ ԻՐԱՎՈՒՆԸԸ

Մույն տեսանյութը պատմում է Հայաստանում բնակվող սեքս աշխատող համայնքի նկատմամբ խարանի ու խտրականության դեպքերի եւ նրանց կարիքների մասին:

Մույն տեսահոլովակը պատկանում է «Իրավունքի Կողմ» իրավապաշտպան հասարակական կազմակերպությանը: Տեսահոլովակում օգտագործված երաժշտությունը չի՝ պատկանում կազմակերպությանը:
© «Իրավունքի Կողմ» իրավապաշտպան հասարակական կազմակերպություն



ԻՐԱՎԱՆԱՑՎԵՑ «ՀԱՂՈՐԴԱԿՑՄԱՆ ԳՈՐԾԻՔՆԵՐԸ. ՀԱԿԱԳԵՆՂԵՐԱՑԻՆ ՀՈՆՏՈՐԱԲԱՆՈՒԹՅԱՆ �ԵՄ ՊԱՅՔԱՐ» ԹԵՄԱՑՈՎ �ԱՍԸՆԹԱՑԸ

«Իրավունքի կողմ» իրավապաշտպան հասարակական կազմակերպությունը 2021թ.-ի հոկտեմբերի 4-ից 8-ն ընկած ժամանակահատվածում կազմակերպել էր դասընթաց՝ «Հաղորդակցման գործիքները. հակազենղերային հռետորաբանության դեմ պայքար» թեմայով, որին մասնակցում էին ՀՀ տարբեր մարզերից և Երևանից 18-30 տարեկան Տրանս ԼԳԲԻՔ համայնքի ներկայացուցիչներ:

�ասընթացի նպատակն էր խթանել Տրանս ԼԳԲԻՔ երիտասարդ ակտիվիստների ներգրվածության մակարդակը հակազենղերային հռետորաբանության դեմ պայքարելու համար աղվոկացիոն ծրագրեր իրականացնելու գործում:

Հաղորդակցության և ջատագովության ոլորտի հրավիրյալ մասնագետները դասընթացի ընթացքում բանախոսությամբ հանդես եկան այնպիսի թեմաների շուրջ, ինչպիսիք են.

- Հաղորդակցության առանցքային տարրերը և հաղորդակցության դերը:
- Հաղորդակցման գործընթացը և հաղորդակցության տեսակները:
- Արդյունավետ հաղորդակցության սկզբունքները:
- Հաղորդակցման խոչընդոտները:
- Հարաբերությունների ստեղծում, վստահության ձևավորում, ազդեցություն:
- Հաղորդակցման էթիկետ, դրական կերպարի ստեղծում:
- Ջատագովություն (աղվոկացիա). ի՞նչ է ջատագովությունը, ի՞նչ քայլեր են անհրաժեշտ աղվոկացիա իրականացնելու համար. հիմնախնդրի բացահայտում, պլանավորում, մոբիլիզացում և գնահատում:
- Խնդրի սահմանում և վերլուծություն:
- Ռազմավարության, մարտավարության և գործիքների մշակում:
- Համայնքային մոբիլիզացիա, ցանցերի ստեղծում և շահերի պաշտպանություն:
- Աղվոկացիոն ծրագրի մշակում:
- Լրատվամիջոցների և որոշումներ կայացնողների հետ արդյունավետ հաղորդակցման ծրագրի մշակում:



Դասընթացավարների կողմից թեմաների ամբողջական ներկայացումից հետո Տրանս ԼԳԲԻՔ երիտասարդ ակտիվիստները ոչ ֆորմալ կրթության մեթոդաբանությամբ կատարեցին գործնական աշխատանքներ, քննարկեցին իրավիճակներ (օրինակ՝ առցանց հարթակում և առօրյա կյանքում իրենց նկատմամբ կիրառվող ատելության խոսքն ինչպես հասարակության լայն շերտերի, այնպես էլ լրատվամիջոցների ներկայացուցիչների և պաշտոնյաների կողմից), խոսեցին իրենց առջև ծառայած մարտահրավերներից, խտրականության դեպքերից ու դրանց նվազեցման համար համապատասխան լուծումներ առաջարկեցին:

Ի թիվս դասընթացի թեմաների, անդրադարձ կատարվեց նաև Տրանս ԼԳԲԻՔ համայնքի անդամների միջև հետագա համագործակցությանը, մշակվեց ճանապարհային քարտեզ, ըստ որի նախատեսվում է հակազենդերային հռետորաբանության և ատելության խոսքի նվազեցմանն ուղղված իրազեկման արշավներ և ակցիաներ կազմակերպել հասարակական վայրերում, կազմակերպություններում և կրթական հաստատություններում:

Մասնակիցներից Կուկա Կասյանի կարծիքով Հայաստանում տրանսզենդեր անձանց իրավունքների հետ կապված խնդիրները ավելի շատ արմատացած, կարծրատիպային և ավանդույթային, քան իրավական բնույթ ունեն, և դրանց դեմ պայքարելու համար պետք է հնարավորինս կարողանալ ազդել տրանսֆոր մարդկանց մտածողության վրա, համայնքի անդամներին անհրաժեշտ է կրթվել և տրանսզենդեր անձանց վերաբերյալ ճշգրիտ տեղեկատվություն տարածել քաղաքացիների շրջանում, ինչի համար նա այս տեսակ միջոցառումները բավականին կարևոր և արդյունավետ է համարում: Տրանսզենդեր ակտիվիստ Մոնիկա Մարկիսյանը նշեց, որ կարծիքների փոխանակման շնորհիվ հնարավոր եղավ հետագա գործողությունների իրատեսական պլան մշակել, իսկ Վիվիեն Բարսայանն ընդգծեց, որ արդեն մի քանի ամիս է, ինչ զբաղվում է սոցիալական մեդիայում տրանսզենդեր անձանց նկատմամբ ատելության խոսքի վերաբերյալ տվյալների հավաքագրմամբ և վստահ է, որ դասընթացավարների ու ակտիվիստների համատեղ ջանքերով վերջապես հնարավորություն կունենա ատելության խոսքը և համայնքի մասին սուտ տեղեկատվությունը նվազեցնելուն ուղղված կոնկրետ քայլեր ձեռնարկել:

Նշենք, որ դասընթացն իրականացվել է «Հայաստանում հակազենդերային և հակատրանս հռետորաբանության դեմ պայքար» ծրագրի շրջանակներում՝ ԻԼԳԱ Եվրոպայի ֆինանսական աջակցությամբ:

ԾՐԱԳՐԻ ՄՇՏԱԴԻՏԱՐԿՈՒՄ



Իրավունքի կողմ իրավապաշտպան ՀԿ-ն Արևելյան Եվրոպայի և Կենտրոնական Ասիայի թիրախային խմբերին արագ արձագանքման օգնության ֆոնդի և AFEW ինթերնեյշնլի ֆինանսական աջակցությամբ իրականացնում է ՄԻԱՎ-ի վերաբերյալ անվճար, անանուն և արագ հետազոտություն տրանս անձանց և սեքս աշխատողների շրջանում՝ նվազեցնելու ՄԻԱՎ-ի տարածումը:

Յուրաքանչյուր ամիս առաջին աշխատակիցներն անցնում են մոնիթորինգ և գնահատում կատարած հետազոտությունների վերաբերյալ:


Իրավունքի կողմ իրավապաշտպան ՀԿի առաջին աշխատակիցները հասնում են այնպիսի թիրախային խմբերին, որոնք երբևիցե չեն հետազոտվել այլ կազմակերպությունների կողմից:





**ԼԻԼԻԹ ՄԱՐՏԻՐՈՍՅԱՆԸ ԵԼՈՒՅԹ ՈՒՆԵՑԱՎ ՌԱՄԻՉՄԻ և
ԱՆՀԱՆՈՒՐԺՈՂԱԿԱՆՈՒԹՅԱՆ ԴԵՄ ԵՎՐՈՊԱԿԱՆ ՀՆԱՁՆԱԺՈՂՈՎԻ (ՌԱԵՀ)
ԿՈՂՄԻՑ ԿԱԶՄԱԿԵՐՊՎԱԾ ԱՄԵՆԱՄՅԱ ՍԵՄԻՆԱՐԻՆ:**

Իրավունքի կողմ իրավապաշտպան ՀԿ-ի նախագահ Լիլիթ Մարտիրոսյանը ս.թ. հոկտեմբերի տասնութին ելույթ ունեցավ Ռասիզմի և անհանդուրժողականության դեմ եվրոպական հնաձևաժողովի (ՌԱԵՀ) կողմից կազմակերպված ամենամյա սեմինարին՝ խոսելով Հայաստանում և տարածաշրջանում ԼԳԲՏԻ անձանց նկատմամբ շարունակական անհանդուրժողականության մթնոլորտի և ՀԿ-ի կատարած աշխատանքների մասին: Հանդիպման նպատակն էր միավորել ուժերը՝ խթանելու և պաշտպանելու ԼԳԲՏԻ անձանց իրավունքները: Այն հնարավորություն տվեց մասնակիցներին քննարկել և բարձրաձայնել մի շարք խնդիրների մասին, որոնց բախվում են ԼԳԲՏԻ անձինք, ինչպես նաև հետագայում ձևավորել նոր համագործակցություն՝ հանուն ԼԳԲՏԻ անձանց բարօրության և անվտանգության: Կից ներկայացնում ենք Լիլիթ Մարտիրոսյանի ելույթի տեքստը:



ԻՐԱԿԱՆԱՑՎԵՑ «ԱՌԱՋՆՈՐԴՈՒԹՅԱՆ ՀՄՏՈՒԹՅՈՒՆՆԵՐ ԵՎ ԱԿՏԻՎ ԶԱՂԱՔԱՑԻՄԱԿԱՆ ՆԵՐԳՐԱՎՎԱԾՈՒԹՅՈՒՆ» ԹԵՄԱՅՈՎ ԴԱՍԸՆԹԱՑԸ



«Իրավունքի կողմ» ՀԿ-ն, լինելով տարածաշրջանում տրանս անձանց և սեքս աշխատողների համար գործող իրավապաշտպան առաջին համայնքահեն և առաջատար հասարակական կազմակերպություններից, զբաղվում է սեքս աշխատող անձանց իրավունքների պաշտպանությամբ, նրանց կրթությամբ, սոցիալական բարեկեցության ապահովմամբ, մտավոր և ֆիզիկական անվտանգությամբ և պաշտպանությամբ, ինչպես նաև բարձրացնում է հանրային իրազեկվածության մակարդակը տրանս անձանց և սեքս աշխատողների վերաբերյալ՝ նվազեցնելով նրանց նկատմամբ խարանը և խտրականությունը:

Սույն թվականի հոկտեմբերի 1-ից 3-ն ընկած ժամանակահատվածում ՀԿ-ն կազմակերպեց դասընթաց՝ «Առաջնորդության հմտություններ և ակտիվ քաղաքացիական ներգրավվածություն» թեմայով, որին մասնակցում էին ՀՀ տարբեր մարզերից և Երևանից սեքս աշխատող համայնքի ներկայացուցիչներ:

Դասընթացի նպատակն էր խթանել սեքս աշխատող անձանց կարողությունների զարգացումը և հզորացումը, բարելավել նրանց ներգրավվածության մակարդակը սոցիալ-մշակութային և քաղաքացիական կյանքում, ապահովել նրանց անվտանգությունը ինչպես ընտանիքում, այնպես էլ հասարակությունում: Բացի այդ, հանդիպումը նպատակաուղղված էր նպաստելու սեքս աշխատող անձանց իրազեկվածության մակարդակի բարձրացմանը և կրում էր ուսուցողական բնույթ:

Հանդիպման թեմաներն էին.

- Սեքս աշխատող անձանց նկատմամբ խարանը և խտրականությունը
- Սեքս աշխատանքը և դրա իրավական կարգավորումները ՀՀ-ում
- Մտավոր և ֆիզիկական անվտանգություն
- ՄԻԱՎ/ԶԻԱՀ և սեռավարակներ
- Առաջնորդության հմտություններ
- Զաղաքացիական ներգրավվածություն
- Համայնքային մոբիլիզացիա
- Լրատվամիջոցների հետ աշխատանք
- Սեքս աշխատող անձանց դրական իմիջի ստեղծում:

Հանդիպման առաջին օրը բացման խոսքով հանդես եկավ «Իրավունքի կողմ» իրավապաշտպան հասարակական կազմակերպության նախագահ Լիլիթ Մարտիրոսյանը: Նա ողջունեց բոլոր մասնակիցներին, իր երախտագիտության խոսքն ուղղեց նրանց հանդիպմանը մասնակցություն ունենալու համար, վստահեցրեց, որ սա կլինի նրանց լավագույն դասընթացներից մեկը, բոլորը կստանան նոր գիտելիքներ և կանցկացնեն հիանալի ժամանակ:

Այնուհետև մասնակիցները ծանոթացան միմյանց հետ, որին էլ հաջորդեց եռօրյա դասընթացի ողջ ընթացքի համար կանոնների սահմանումները:

Առաջին օրը նվիրված էր առաջնորդության հմտությունների ձևավորմանը և քաղաքացիական ներգրավվածության խթանմանը: Մասնակիցները ձեռք բերեցին իրենց համայնքներում առաջնորդ դառնալու համար անհրաժեշտ կարողությունները: Բաժանվելով խմբերի՝ նրանք կատարեցին գործնական աշխատանքներ առաջնորդության և ջատագովության թեմաներով: Փորձագետը խոսեց սեքս աշխատողների՝ քաղաքացիական կյանքում ակտիվ ներգրավվածություն ունենալու կարևորության և հնարավորությունների մասին, ընդգծեց դրական իմիջի ստեղծման անհրաժեշտությունը և կիսվեց լրատվամիջոցների հետ աշխատանքի իր փորձով: Մասնակիցներն առաջարկեցին իրենց ստացած գիտելիքներն օգտագործել համայնքի այն անդամների շրջանում, որոք հանդիպմանը ներկա չէին:


Դասընթացի երկրորդ օրը տեղի ունեցավ պանելային քննարկում. 8 սեքս աշխատողներ պատմեցին իրենց՝ որպես Տրանսգենդեր և սեքս աշխատող անձանց նկատմամբ տեղի ունեցած բազում բռնությունների, խարանի ու խտրականության մասին, և թե ինչպես են կարողացել պաշտպանվել ու գոյատևել կյանքի դժվար պայմաններում: Դասընթացավարի հետ նրանք քննարկեցին մտավոր և ֆիզիկական անվտանգության թեման, խոսեցին, թե ինչ խոչընդոտների են հանդիպել առողջապահության ոլորտում, ընտանիքում, փողոցում և առհասարակ կյանքի բոլոր ոլորտներում, ինչպես նաև անդրադարձան Հայաստանի Հանրապետությունում սեքս աշխատանքով զբաղվելու բարդություններին, խնդիրներին, վտանգներին: Սեքս աշխատող անձինք նաև պատասխանեցին դասընթացավարների հարցերին, որոնք ի պատասխան իրենց պատրաստակամությունը հայտնեցին կանգնելու սեքս աշխատող անձանց կողքին՝ նրանց իրավունքների ու ազատությունների պաշտպանության համար:


Երրորդ օրվա ընթացքում մասնակիցներն անդրադարձան ՀՀ-ում սեքս աշխատանքի իրավական կարգավորմանը և իրենց անվտանգությանը: Նրանք կիսվեցին անհատական պատմություններով՝ խոսելով իրենց նկատմամբ իրականացված հանցագործությունների մասին, նկարագրելով, թե ինչպես են դիմակայում բռնության դեպքերին և ատելության քարոզին ՀՀ-ում: Բոլոր մասնակիցները ձեռք բերեցին ինքնապաշտպանվելու վերաբերյալ մանրամասն տեղեկատվություն:

Ամփոփելով դասընթացի երեք օրերը՝ «Իրավունքի կողմ» իրավապաշտպան հասարակական կազմակերպության նախագահը շնորհակալություն հայտնեց մասնակիցներին, դասընթացը ֆինանսավորող կազմակերպությանը, դասընթացավարներին, ԻԿ ԻՀԿ ողջ անձնակազմին և նշեց, որ նմանատիպ հանդիպումները շարունակական բնույթ են կրելու, քանի որ դրանք չափազանց կարևոր են սեքս աշխատող անձանց իրավունքների ու ազատությունների պաշտպանության համար: Նա նաև նշեց, որ հանդիպումները լավագույն հարթակներ են մեզ համար, որտեղ մենք համախմբվում ենք, քննարկում մեր կարիքները և խնդիրները՝ դրանց լուծման արդյունավետ ուղիներ փնտրելով. «մենք շարունակելու ենք համախմբել սեքս աշխատող անձանց և նպաստել նրանց իրազեկվածության մակարդակի բարձրացմանը՝ հանուն նրանց բարեկեցության ու բարօրության, հանուն նրանց իրավունքների պաշտպանության»:

Երրորդ օրվա ավարտին մասնակիցներին հանձնվեցին դասընթացի մասնակցության հավաստագրեր:

Դասընթացն իրականացվել է «Իրավունքի կողմ» իրավապաշտպան ՀԿ-ի կողմից՝ «Կարմիր հովանոց» ֆոնդի ֆինանսական աջակցությամբ:





ԻՐԱՎՈՒՆԶԻ ԿՈՂՄ

ԻՐԱՎԱՊԱՆՏՊԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆ



RightSideNGO.com



rightsidengo@gmail.com



RightSideNGO



RightSideNGO



RightSideNGO



+374 11 880 770